

no. 4

A D V I S
DE CATON

EN L'ASSEMBLEE

des Chambres, ce 11. de
Mars 1615.

Sur le sujet de la Paulette.

M. D C. X V.

A DAVIS

DE CATON

ET L'ASSEMBLEE

des Citoyens de N. B.

le 10 Mars 1792

Par le Supr. de la T. m. p.

M. D. C. X. V.

ADVIS DE CATON

en l'assemblée des Chambres, ce 11.

de Mars 1615. sur le sujet

de la Paulette.

MESSIEVRS,

La diuersité de vos opinions en ceste presente assemblée pourroit estre preiugé qu'il s'en pourroit encore trouuer quel- qu'un d'entre nous qui n'ayant aucun esgard à son interest particulier ne tendroit en ces conseils, qu'au biē du public & cō- tementement du peuple, Si ceux qui deman- dent pour maintenāt la cassation du droit annuel, n'auoient autre raison de leur ad- uis que le mal qu'a aporté, & aporte tous les iours cet abus & n'eussent autre but que le bien qui en pourroit revssir : Mais ce qui m'estonne d'auantage que quelque vns d'entre nous, ayent osé derechef au- iourd'huy nous assembler pour mettre en deliberatiō de point en point & chercher quelque moyen pour surpasser au profit du Roy les partisans, & faire revivre, ce

A ij

que les Estats generaux d'un commun
 consentement par leurs caïers, & ceux
 qui sont commis & ont plain pouuoir de
 sa Maïesté de voir & verifier ce qu'ils y
 trouueront bon, vtile, & profitable, au
 Roy, & au public, ont amorty : nous qui
 ne debuions penser à rien moins qu'à la
 continuation de ce droit veu les iniustices
 ausquelles nous pouuons voir tous les
 iours que nos iuges inferieurs subalternes
 & mesmes quelqu'un d'entre nous ce lais-
 sent porter, leur estant necessaire de pren-
 dre de plus hautes taxes de leurs salaires
 (ce qui est vne vraye iniustice à l'endroit
 du pauvre peuple) pour se pouuoir entre-
 tenir & payer les ventes ausquelles ils ont
 eu besoing de s'obliger pour paruenir à
 leurs charges. Ce qui nous auoit deu in-
 duire à demander les premiers la cassation
 non seulement de ce droit, mais aussi de
 toute venalité, si nous eussions voulu nous
 monstrier tels que nos charges le requie-
 rent, & n'eussions esté aueuglés de consi-
 derations particulieres, qui ne tendent
 toutes qu'à nostre particulier, encore
 qu'elles semblent n'auoir pour obiect que
 le public.

Quant est de moy, Messieurs, vous auez desia peu cognoistre par mon aduis en la premiere assemblee que nous fismes sur ce mesme subiect il y à long temps combien telles propositions, & deliberations me semblent mal sceantes, au rang que nous auons tousiours tenu iusqu'à present, sur toutes les cours souueraines de ceste France, de vouloir aujourd'hui reuoquer en doute, & donner force, à ce que si solennellement par vos arrests, vous auez infirmé, & trouué iniuste, Et croy que c'estoit la raison pour laquelle vous auiez demeuré si long temps, à descouuoir ce que vous couuiez dans vostre ame, & ne suiure euidemment l'auarice, & ne vous monstrier si peu soucieux du public, que de nous laisser aler à la consideration de l'interest particulier, à laquelle se portoient si ardemment toutes les autres Courts souueraines croians que leurs brigues seroient assez fortes veu aussi qu'ils estoient assistés d'un membre des estats pour pouuoir r'affermir ce qu'il s'ébloit desia estre par terre par le commun desir, & volonté de tout le peuple.

Mais (comme les iustes, & raisonnables demandes, quoy que foibles, emportēt les

iniustes quoy que plus fortes) recognoissants en vous mesmes , qu'ils seroient contraincts de faire place & succomber au iustes acquests de tout le peuple, vous deliberastes non sans hontes, d'estre contraintes à vous mesmes? De demander ce qui vous auoit semblé pernicieux? De desroger à ceux qui ont tenu le temps passé les mesmes places que vous avez pour maintenant sans aucun esgard de perdre l'honneur qu'ils vous auoient acquis non seulement en cette France, mais par toute l'Europe, vous deliberastes en cette premiere assemblee d'interposer nostre pouuoir, & monstrier quel poids, vous pouuiez apporter, à ce dequoy vous vous vouliez entremettre & qu'elles forces vous pouuiez donner à ce qui de soy n'est à point croians que tout le monde trouueroit bon ce qu'il vous auroit semblé iuste: mais comme le commencement de reuoquer en doute si l'on deuoit laisser casser ce droit, ou en demander la continuation, nous en auoit esté mal sceant & la fin n'en a esté que vostre desaduantage & confusion, ayant recognu par le refus qu'on en fist pour lors à nos deputez, le peu de credy que vous

aurez à poursuiure choses iniustes, à l'en-
droict de ceulx que vous pensiez ne vous
ofer rien refuser, & leur pouuoir ne venir
que de vous.

Que si vous m'eussiez voulu croire,
vous n'eussiez encouru ce refus, vous vous
fussiez conseruez l'opinion, & l'esperance,
que tout le peuple auoit conçu de vous
auoir pour chefs à l'abolissement de ce qui
luy temble la fin & le commencement de
tous ses maux? Vous eussiez eu l'honneur
de sembler y auoir resisté, & encore quel-
le eust esté continuee la gloire, & le pro-
fict vous en fust demeuré? Que si au con-
traire (comme il est aduenu) contre les
indeuës demandes de toutes les Cours
souueraines, & les deputez du tiers Estat,
vous monstrans fermes & constans selon
mon aduis, vous ne fussiez panché si ar-
damment de leur costé, & ainsi sans vostre
aduis & consentement, l'abolissement de
ce droict eust esté resolu, on eust estimé
qu'il eust esté ainsi deliberé à vostre seule
consideration, & que sans point de doub-
te, si vous eussiez voulu ioindre vostre
credit à leur auarice aueuglee, & eussiez de
toutes vos forces insisté comm'eux, à ce

que cet abbys fust continué vostre pou-
 uoir, & le respect qu'on doit à toutes vos
 deliberations, eust peu auoir tant de for-
 ces que de tourner les volonteiz des Fran-
 çois; & comme les contraindre par vostre
 autorité à trouuer bon ce qu'il vous auroit
 semblé ytile. Ce qui est toutesfois tout cō-
 traire aux effets que vous auez veu auoir
 suiui V. Conseil la remise, le peut d'esgard
 qu'on a eu de vous pour la mauuaise gra-
 ce de ceste proposition, le refus manifeste
 qu'on vous a fait sur le peu d'equité de vo-
 stre demande, la bonne estime qu'on
 auoit tousiours eu de vous perduë, le res-
 pect qu'on vous portoit alteré en quelque
 chose: Et d'où pensez vous que soient
 prouenus les brauades qu'on vous a faict
 depuis? Les prisons par force brisees &
 rompues en plain iour, l'affront qu'on a
 voulu faire aux gens du Roy? Les iniusti-
 ces, quoy que fauces, reprochées à celuy
 qui tient l'vn des premiers rang d'entre
 nous? Les mocqueries qu'on nous a faict
 en corps en imittant la voix de nos Huif-
 siers, les esperons vendus à hauts cris en
 la grande Salle, & apres tout cela encore
 bien aises, & ce par l'entremise d'aucuns
 d'entre

d'entre nous vne satisfaction telle quelle, enquoy il semble que nous ayons reçu la loy de luy, nous qui auions de coustume de la donner aux Roys, on nous a depuis fermé la bouche voulans punir ceux qui l'auoient meritée. Ne nous a on pas commandé de ne nous entremettre des affaires d'Estat, comme si nostre seule institution ne tendoit qu'au sac, nous qui auons si souuent esté receus & elleus, arbitres par les plus grands Princes du monde, pour iuger de leurs differends; ne nous a on pas encore interdit la cognoissance des affaires qui n'appartenoient qu'à nous n'a on pas cassé & annullé nos arrests, comme donnez iniustement, sans cause euidente, & pour ce qu'ils s'embloient troubler l'Estat, qui seuls le peuuent restablir, & que s'ils eussent esté de tout temps gardez, nous eussent destourné tant de malheurs desquels nous ressentons maintenant les effets? On a passé plus outre on nous a blasmes communement aux harrangnes.

Et qui nous cause cela si ce n'est la mauuaise opinion qu'on a cōceu de nous pour nostre auarice, & l'empeschemēt que nous auons desja voulu mettre en la cassation

de la Paulette; Et encore pour vray dire le peu de respect que vous voyez que tout le monde nous porte, ne prouient que de la venalité des offices, tout le peuple estimans que nous sommes prouueus à nos charges, non pour aucun merite, non pour nostre vertu & science, mais par l'argent qu'il nous a fallu financer pour y estre receus, c'est ce qui augmente maintenant ce mespris, nous nous laissons derechef aujourd'huy emporter sans esgard de nostre reputation, à estre contraire à ce que tout se peuple d'vng commun consentement desire & faire reuiure, ce qu'il croit estre desja amorty, & pource hays, mesprise, & estime ennemis, de l'Estat, & du public, ceux qui empeschent la resolution conforme à leur desir: y a il aucun d'entre nous qui n'ait point leu tous ces petits traitez, qu'on crie tous les iours à nostre honte, & confusion deuant nostre porte, & qui pensez vous qui soient autheurs de ces petits liurets, si ce n'est la ieunesse qui encouragee par la voix commune du peuple, crie vengeance contre nous pour le temps, & la fleur de leurs aage qu'elle perd inutile, pour l'esperance que nous leur voulons

oster de pouuoir vn iour paruenir aux charges publiques, ce qui est proprement defraciner de nos François, toute volonté de bien faire, & acquerir par longue estude ce qui seul les peut rendre capable de seruir vn iour le Roy, & le public: leur voulât oster l'esguillon qui les pouffoit autrefois à ce faire, ne sommes nous pas desja contraincts de receuoir quoy qu'ignaires, ceux qui effrôtement ayans acheté leurs offices par enchere, s'osent presenter deuant nous sçachans bien que par faute de plus capables, nous seront contraincts de les receuoir: & les autres qui n'ont dequoy s'auancer aux Estats pour de l'argent, ou ne veulent y mettre tout leur patrimoine, & encore s'engager, sont contraincts s'ils ont quelque peu d'esprit, le mettre au mal ne le pouuant appliquer avec honneur au bien, chercher quelque nuation pour auoir de l'argent, inuenter vn nouveau parti quoy qu'à la foule du peuple: chercher leur bonne fortune en pays estranger, ne la pouuant trouuer avec honneur en France, & pour de l'or du perou, pour des veinnes promesses, tascher à trahir leur partie. Que si ces moyens ne leurs sont propres

pour passer leur miserable vie , chercher leur nourriture impudemment , & en escornifleurs chez ceux qui ne les osent sans honte esconduire? Et quelquesfois se mettre en mauuaise estime de ceux qui les estimoient auparauant tromper vn marchand pour s'abiller? changer de nom pour ne le paier apres; contrefaire vn President pour auoir du credit; & pour auoir tousiours de l'argent en bource ; pour entretenir leurs autres voluptez , prendre des marchandises à perte de Finances , dont s'en ensuit la ruine des pauvres marchands, trop credules, & trop faciles à se laisser emporter aux promesses & iurements des ieunes hommes? Qui sont par apres contrainct pour n'auoir dequoy leurs satisfaire tout mettre en teste vne restitution par benefice d'aage; que si tous ces moyens ne leurs reussissent, s'ils ne trouuent du credit desrober ; couper la gorge aux marchands pour auoir dequoy entretenir le train qu'il ont commencé : & ne deschoir du rang que leurs peres ou eulx ont tenu, falsifier les seaux & ainsi se conduire au gibet: n'ayant eu le moyen de passer leur vie selon le monde s'ils n'eussent tenu ce chemin,

esperants aussi que s'ils estoient vne fois
descouverts ils pourroient facilement es-
chaper par l'esclat de leurs doublons dont
ils esblouiroient la veue de nostre astree;
qui n'a retenu la balance que pour scauoir
par le poids qui plus luy donne, qui n'a les-
pez que pour punir les pauures qui n'ont
peu par leur argent, s'exanter les peines
deues a leurs crimes. Les Magistrars s'y
laissant facilement porter, donnant pre-
texte à leur iniustice que, *pæna potius sunt*
mollienda quam ex asperanda. Estants aussi
quelques fois cōtraincts, & principallemēt
les nouveaux, pour l'entretien de leur mai-
son, pour tenir le rang que leur dignité
porte, pour se desengager, faire à couuert
quelques iniustices, donner le bien du pau-
ure (qui n'a peu asseurer leur soif, qui n'a
point d'amis auquel leur iuge craigne de
desplaire) à celuy qui n'eust osé contester
qu'avec amande ce qu'on luy demandoit
s'il n'eust eu esperance, d'auoir par viue
force & à coups de pistoles, ce qu'il ne pou-
uoit obtenir par la raison; dōner leur voix
à ceux qu'ils sont obligez scachants bien
qu'ils seroient estimez fols & arrogants.

& desia corrompus d'autre costé, s'ils ne leurs accorderoient ce que iustement, & en bon iuge ne se peut; aussi que bien souuent ils ne leurs peuuent ayder, estants si ignorans qu'ils ne peuuent discerner le bien d'auec le mal; ce que nous pouuons cognoistre par tant de sentences que nous iurifirmons tous les iours, par tant d'euocations de Parlement à autre par tant de requestes Ciuiles: par tant de propositions d'erreur, qui nous contraignent bien souuent à casser ce qui auoit esté solennellement ordonné.

Ce qui vous deueroit exorter, Messieurs, (auec tous les autres inconueniens, que vous vous pouuez représenter deuant les yeux, sans qu'il soit besoing de les accumuler en ce present discours, veu que vous en deuez auoir assez de cognoissance) à changer d'aduis en ceste presente assemblée, & ioignant vostre consentement au desir de tous les François, demander la cassation, non seulement de la Paulette, mais aussi de toute la venalité des offices, & croyez qu'en ce point vous aurez plus de forces que s'il vous voulez persister

à en demãder la continuation , de laquelle
le refus ne sçauroit estre qu'à vostre des-
aduantage, & l'accord qu'a vostre confu-
sion, & croissence du mespris & de la hay-
ne qu'on vous porte.

FIN.

12
A briefe and plain exposition of the apostles
first epistle vnto the romans. By
Iacobus de Vitoria. Contain-
ing the most excellent doctrine of the lawe
of nature and grace.

By Iacobus de Vitoria
Sacerdos
The first epistle of the apostle Paul
vnto the romans. Contain-
ing the most excellent doctrine
of the lawe of nature and
grace. By Iacobus de Vitoria
Sacerdos. Translated into
English by Iohn Waterhouse
of the Temple. Printed in
London by Iohn Iaggard
Printer to the Kings most
Excellent Majesty. In the
year 1601.